
William Marrion Branham

I Mutumwa

Pele mu mazuba aa jwi lya angelo wamusunu ababili...

Ciy. 10:7

ZILIMUKATI

1

I MUSINSIMI?

5

I CISYOMEZYO CA MUSINSIMI MU
MAZUBA AA KU MAMANINO

9

I MATALIKILO

12

I MYAKA YABUKUBUSYI

24

I MUSUMPULULU WA MULILO

30

I MAKANI AASISIDWE
AKAYUBUNUNWA

34

IZYAAMBWA

Voice Of God Recordings, Inc. ngo mulimo iwaabanwa aa nkamu zyandeene zya bukombi oyo utuulidwe ku kuyaambele kwa Makani mabotu aa Mwami Jesu Kristo. Ngo mupailo wesu kuteeti aaka kabbuku kayooba cilongezyo kuli nduwe alimwi kayo kupa kumvwisyah kubotu kujatikizya oora lya malekelo motupona.

I MUSINSIMI?

Mu Bbaibbele, Leza lyoonse wakaleta Mulumbe Wakwe ku bantu ba nyika kwiinda mu musinsimi wa bukkalo. Wa kaambaula kuli Musa kwiinda mu citeo ciyaka mulilo a kumupa kutumwa kwa kusololela ba Hebrayo kuzwa mu Egepita. I Musumpululu wa Mulilo uulibonya a zitondezyo zimbi zya kapegwa kusimpikizya mulimo wakwe. Johane Mubapatizi wakaleta Mulumbe kubamba nyika ku kuboola kwa Mesiya. Kuciindi nakali kubapatizya Mwami Jesu mu Mulonga wa Jordano, i Jwi kuzwa ku Julu lyaka tondezya kutumwa kwa Johane ku kuzibya Mwanambelele wa Leza, “Oyu ngo Mwana wangu uuyandwa, muli nguwe Mwe nkondelwe.” Myaka yakacilila, i Jwi lya Mwami alimwi lya kaambaula ku musinsimi cindi Na kaambaula kuli Paulo kwiinda mu Mumuni uofwaazya, elyo nikwaka mana wakamupa kutumwa kuti abambe mambungano mu ncililano. Mu ciindi coonse ca Zizuminano Zyakaindi a Zipya, Leza taakwe nakaambaula ku bantu Bakwe kwiinda mu ciyanza cakabungwe na kabunga ka bukombi. Uu laambaula lyoonse ku bantu kwiinda ku muntu omwe: musinsimi Wakwe. Alimwi Wa ka simpikizya basinsimi aaba kwiinda ku zitondezyo zya zigambyoziinda.

Pele ino kujatikizya sunu? Sena Leza uciyubununa Ijwi Lyakwe ku basinsimi? Sa kucili zitondezyo zya zigambyoziinda? Saa Leza inga watuma musinsimi wa ciindi-casunu mu nyika? I bwiinguzi ngu ncobeni maningi,

“Iiyi!”

Pele ino tuyo ziba buti cindi musinsimi aabuka? Ino uyo boneka mbuli nzi? Mbobuti mbwa yoobeleka? Ino ncitondezyo nzi ncayo tupu? Ino uyo zulizya Magwalo nzi?

I basinsimi bakaindi bakali bantu ba Leza basicamba, alimwi tii bakali kuyoowa kwiima kulwana tubunga twa

bukombi. Mu kasimpe, bakali kutandilwa kutundululwa lyoonse ku bapaizi. Eliya waka zundikizya tubunga twa bukombi itwa ku buzuba bwakwe, kubalomba ikuti na Leza inga watambula cituuzyo cabo, na cakwe. Ba kaongolola. Ba kasinsima. Ba kasotokela aatala lya cipaililo. Ba kali tendaula a zifulo. Pele Leza ta kabavwiila pe. Eliya wa kalanga ku Julu a kwaamba, “A kuzibwe buzuba bwa sunu kuti yebo nduwe Leza mu Israyeli, alimwi kuti Ndi mulanda wako, alimwi Nda cita zintu ezi zyoonse ku ijwi lyako.” Wa kaita mulilo mpawo aansi kuzwa ku Julu kuteeti uulye cituuzyo. Mikaya i musinsimi waka kazya Mwaami wa Israyeli, a bupaizi boonse, cindi naka tapatila Mupaizi Mupati Zedekiya nkambo ka kusinsima bubeji. I Mupaizi Mupati waka muuma ku meso alimwi Mwaami waka mubikka mu ntolongo nkambo ka kwaamba bwini. Akwalo Mwami Jesu waka sulaikwa loko ku tubunga twa bukombi itwa buzuba Bwakwe cakuti baka Mu bambula antoomwe a basimilandu babi maningi. Ikuti na makani aakale alungulula bwini, i musinsimi inga uyo sulaikwa ku ciyanza catubungwe citambulika ku banabunji, elyo inga uyo zalikwa kuti sikukazya, musinsimi mubeji, na kubija maningi. Pele Leza inga uyoima kugwasya mulanda Wakwe.

Ikuti na kwakali musinsimi mu buzuba obu bwasunu, mbobuti mbwanga watambulwa a Mbungano ya Katolika? I Mbungano ya Baptisti? I Mbungano ya Luther? Kufumbwa kabungwe?

I Mwami Jesu wakatuma boonse abo ba Mu syoma: “*Nkabela ezi zitondezyo ziyo batobela abo basyoma; Mu zina lyangu bayo tanda badyabolosi; bayo amba mu myaambo mipya; Ba yojata inzoka; alimwi ikuti na banywa cijaya cili buti, ta cika bakoli pe; ba yoobikka maanza aa balwazi, elyo bayo pona.*” (Marko 16:17-18). Sena olu Lugwalo ndwa bwini asunu? Ikuti na taluli lwa bwini, ino nciindi nzi Majwi aa Mwami nakaleka kubeleka? Mu ciindi coonse camu Bbaibbele, basinsimi

bakali kukonzya kuponya, kutanda badyabolosi, a kucita maleele. Musa wakaanzika inzoka ya butale kumbele lya bantu ba Israyeli kuti baponesegwa kuzwa ku kulumwa kwa nzoka zyabusaki bujaya (Myeelwe 21:9). Naman, muna Syria iwaka jisi nguzu loko, waka boola kuli Elisha kuti aponesegwe cinsenda (II Bami 5:9). Cindi mwaalmi mukubusi na kawa ca lufu kuzwa ku mpulungwido yaatala, muapostolo Paulo waka mubukata a kujosya buumi mu mibili uufwide (Incito 20:10). Tu jisi buyo bulunguluzi butandila ku myaka $3\frac{1}{2}$ ya buumi bwa Mwami Jesu wesu, pele kuciindi ca myaka eyo misyoonto, Wa kazumanana kuponya bantu. I boofu baka bambwa kubona. Basicinsenda baka ponesegwa. I basinkematwi bakatambula kumvwa kwabo. I balema bakeenda. Yoonse misyobo ya malwazi ya kaponesegwa (Mat 4:23).

Leza waka tondezya akwalo basinsimi bakwe mu nzila zimbi kunze lya kuponya. Aalo maseseke aaka kwaabilidwe maningi aa moyo a kayubununwa ku bantu aba ba Leza. Mwaami Nebukadinezara waka jisi ciloto cakali kumupenzya, pele ta kali kuyeeya kuti cakali ca makani nzi. I musinsimi Daniele wakaambila mwaami koonse kujatikizya ciloto a cisinsime eco caka tobela (Dan 2:28). Taakwe cintu cakasiswa kuzwa kuli Solomoni cindi Namalelo waku Sheba naka boola kumbele lyakwe. Wa kalizwide loko a Muuya cakuti waka mwaambila mibuzyo ya moyo wakwe katana kwiibuzya (I Bami 10:3). Elisha wa kaambila Mwaami wa Israyeli oonse makanze a Mwaami wa Syria, akwalo ku majwi aakumbali aa kakananwa mu kaanda kakwe kakoonena (II Bami 6:12).

Kwiinda ku micito Yakwe mwini, Mwami Jesu wa katondezya kanjikanji kuti oyu Muuya wa kutwelukwa ngu Muuya wa Kristo. Wa katweluka bupange bwa Natanayeli cindi Na kaamba, “Amubone muna Israyeli mwinimwini, muli nguwe mutakwe luuni!” Elyo Jesu wa kazumanana kwaambila Natanayeli ku busena nkawabede cindi Filipo naka mwaambila makani aa Mesiya (Johane 1:48). Cindi Natanayeli naka bona kuti Jesu wakaziba moyo wakwe,

ndyoonya buyo wa ka Mu zyiba kuti ngu Kristo. I ciindi citaanzi Jesu naka bona Petro, Wa kamwaambila izina lya wisi, Jona (Johane 1:42). Petro nkabela wakasiya zyoonse a kutobel a Jesu mu buumi bwakwe boonse bwakacaala. Jesu wa kaswaanganya mukaintu mu Samaria ku cikala a ku mwaambila zibi zyakwe zya kaindi. Majwi aakwe mataanzi akali aakuti, "Munene, Nda zyiba kuti yebo uli musinsimi" (Johane 4:19). Boonse bantu aba botatwe bakali kuzwa ku ziimo zya buponi zyandeene, nekubaboo baka muzyiba Jesu ndyoonya buyo cindi Na katondezya cipego ca kutwelukwa.

Sena cipego eci caka zimaana cindi peegi lya mamanino lya Bbaibbele nilya kalembwa? Ikuti na maleele aya akalembwa cantangalala maningi mu Bbaibbele, ino ali kuli sunu? I musinsimi wa ciindi casunu inga ncobeni uyo simpikisigwa kwiinda ku maleele.

Sa Leza waluba bantu Bakwe? Sena Uci konzya kuponya baciswa? Ena Uci kanana kuli ndiswe kwiinda ku basinsimi Bakwe? Sa umwi wa basinsimi waka bona kumbele zya buzuba obu?

**Sena kuli zisinsime ezyo
ziceelede kuzulizigwa?**

I CISYOMEZYO CA MUSINSIMI MU MAZUBA AA KU MAMANINO

I majwi ngaonya amamanino alebedwe mu Cizuminano Cakale alapa cisyomezyo eci: **“Amubone, Nzo mutumina Eliya musinsimi buzuba buyoosya a bupati bwa MWAMI nibutana kusika: Nkabela uyo sandula myoyo ya mawisi ku bana babo, a myoyo ya bana ku mawisi, kuti Nta siki a kuzooumya nyika a lutuko.”** (Mal 4:5-6)

I buzuba buyoosya a bupati bwa Mwami buceelede kusika, aboobo tweedele kulangila cakusiniza i musinsimi Eliya. Mu Bbaibbele, basinsimi tii bakaboola ku mizeeo iizuminwa ku banabunji ba tubunga twa bukombi. Ba kaboola ku basale basyoonto. Amweezezye ikuti na musinsimi wa Malaki 4 wa kaboola, elyo ta kazibwa. Ino kuti uuli mbuli basinsimi ba kaindi, alimwi bantu bace buyo baka muzyiba? Ikuti na oyu musinsimi weelede ku bweeda mu buzuba bwa mamanino, mbo obutu mbo tuyo muziba? I bwiinguzi bulabonwa antanganala mu Magwalo. Uno jisi bupange bwa musinsimi. Uyo zyiba maseseke a myoyo. Uyo cita maleele. I tubunga twa bukombi tuyo soleka ku musampaula. Pele ku nooli basale basyoonto abo bayo muzyiba mbuli mutumwa waka syomezegwa ku buzuba.

Mbobuti mbo tuyo ziba cindi Eliya abweeda? Ino mbube nzi mbwa yotondezya kutegwa tu ka konzye kumuziba?

Eliya wakali muntu wa mu nkanda. Zitondezyo a zigambyo zipati zya katobela mulimo wakwe. Wa kakambauka kulwisya bubi bwa buzuba bwakwe. Wa kakambauka kapati kulwisya bwaamu bwa Namalelo Jezebele. Cindi Eliya naka tolwa ku Julu mu nkalaki ya mulilo, muuya wakwe waka wida aali Elisha. Zitondezyo a zigambyo zipati mpawo zyaka lungulula mulimo wa Elisha, alimwi akwalo wa kakambauka kulwisya

zibi zya nyika. Boonse basinsimi bakaima balikke kulwisya tubunga twa bukombi itwa buzuba obo. Myaanda minji ya myaka yakacilila, nguonya muuya waka bweeda ku nyika muli Johane Mubapatizi. I musinsimi Malaki wakaamba zyakumbele kuti Eliya uyo bweeda kuzoozyibya Mwami: “*Amubone, Nzo mutumina mutumwa wangu, nkabela uyo bamba nzila kumbele lyangu...*” (Malaki 3:1). Johane Mubapatizi wakali luleme mbuli mbwa kacita lyonse nkambo wakaita cantangalala ku kweempwa aakati ka bantu ba Leza. Mbuli Eliya, wa kakambauka kulwisya mwaami a tubunga twa bukombi twa ciindi eco. I Mwami Jesu waka tondezya kuti Johane Mubapatizi wakali musinsimi wa Malaki 3 mu Bbuku ly Matayo (11:10): “*Nkambo oyu ngonguwe, oyo uulembedwe, Amubone, Nda mutumina mutumwa wangu kumbele ly a busyu bwangu, oyo uyo bamba nzila yako kunembo lyako.*” Luka 1:17 yaamba kuti muuya wa Eliya (Eliasi) wa keelede kuba muli Johane Mubapatizi, “*Nkabela uyo enda kumbele lyakwe mu muuya a mu nguzu zya Eliasi, kuti aboozye myoyo ya mawisi ku bana.*” Pele amubone kuteeti cibeela cabili ca Malaki 4 caka cili leelede kuzulizigwa: “*...a myoyo ya bana ku mawisi, kuti Nta siki a kuzoomya nyika a lutuko.*” Eco cibeela ca Lugwalo ciyo boola kucitika kakuta naba Kuboola Kwabili kwa Kristo.

Myaka iili zyuulu zyobilo nikwakamana Johane Mubapatizi, ngu ciindi alimwi ca muuya wa Eliya ku bweeda ku nyika.

Obo buzuba bwaboola! Mu bukkalo obu, twabona muuya wa Eliya kuti wa bweeda. Wa kakazya cakuzwidilila iziyanza zyatubungwe zya ciindi eco. Wa kaima kulwana zibi zya nyika. Wa ka tondezya zitondezyo a zigambyo zitabaliki. Wa kakambauka Bbaibbele ijwi-ku-ijwi kuzwa ku Matalikilo kusika ku Ciyubunuzyo. I musinsimi wa Malaki 4 wa kaboola mbuli mbukwaka syomezegwa, elyo wa kaleta Mulumbé kuzwa ku Cuuno ca bwami ica Leza Singuzuzyoonse. Eelyo izina lya musinsimi oyo ngu **William Marrion Branham**. Tu mwiita kuti “Mukwesu Branham.”

“William Branham, oyo ngo Nda kali kuyanda a kusyoma kuti wakali musinsimi wa Leza.” Oral Roberts, muvangeli uuzizilwe akulemekwa-mu nyika a sikutalisya wa Oral Roberts University.

“William Branham waka tuboolela ku ciindi ceelede mbuli musinsimi wa Leza alimwi waka tutondezya kuciindi ca myaka ili zyuulu zyobilo cancobeni zintu nzizyonya ezyo zyaka tondezegwa mu Makani mabotu...Leza wa swaya bantu Bakwe, nkambo musinsimi mupati wabuka aakati kesu.” Mwii. T.L. Osborn, muvangeli wa Pentekoste a sikulemba waluzibo lunji.

“Katana kupailila muntu, wa kali kunga wapa makani aaluleme kujatikizya kuciswa kwa muntu, alimwi akwalo makani aa maumi aabo - dolopo nkobaka komenena, milimo, micto yabo - akwalo eelyo kaindi mu bwana bwabo. Branham kwiina lumwi naka lubizya a ijwi ly a luzibo mu myaka yoonse nji Nda kali a nguwe. Eco cilajatikizya, mu ciimo cangu, zyuulu zya mikozyanjo.” Ern Baxter, muvangweli, mweendelezi wa Miswaangano mipati ya Branham kwa myaka ili ciloba, a umwi wa beendelezi bataanzi ba British New Church Movement.

Taakwe ciindi kuzwa Mwami Jesu Kristo nakaendaa aa nyika muntu waka cinca insi mu nzila yabupati loko iili boobu. Kuzwa ku kutilika kwaansi mu kaanda kagalankene-ka busena bomwe mu malundu aa Kentucky, kusika ku Amarillo, Texas, ooko Mwami nkwaka mutola kuya ku Muunzi, buumi bwakwe bwaka tondezegwa lyoonse a zintu zyakacitika zya cigambyociinda. Ku kulaililwa kwa Angelo wa Mwami mu 1946, mulimo wa Mukwesu Branham wakaleta insasi eyo yakayasya ciindi ca lubukulusyo lwa kuponya lupati olo lwaka fwumpa America yoonse a nyika mbwiizulwa. Kusikila buzuba buno, ula ziminwa kuba bwini a basimakani aakale aa Bunakristo mbuli “taata” a “sikubamba mbaakani yaceelesyo” wa lubukulusyo lwa kuponya ilwa muma 1950 olo lwaka cinca Mbungano ya Pentekoste alimwi akumaninina kupa kubuka kwa mulimo Wakusyoma mu zipego zisalesale abukombi bwa nguzu, oyo sunu woongelezya kutandila bunji bwa tubungwe toonse twa Protestant. Nekubaboobo, kululama mbuli

mbocicitwa, tubungwe tula ubausya njiisyo zyakwe a kukaka kutumwa kwakwe.

Kufumbwa busena nkwa kaunka, Leza waka tondezya kuti Mukwesu Branham wakali musinsimi ku bukkalo obu. Mbuli Jobu, Mwami wa kakanana kuli nguwe mu kambizi. Mbuli Musa, Musumpululu wa Mulilo wa kabonwa kaum sololela. Mbuli Mikaya, wa kasampaulwa a bapainzi. Mbuli Eliya, wakali muntu wa mu nkanda. Mbuli Jeremiya, wa katumwa kuzwa kuli Angelo. Mbuli Daniele, wa kabona zilengaano zya ciindi ciza. Mbuli Mwami Jesu, wa kalizyi maseseke aa moyo. Alimwi mbuli Paulo, wa kaponya baciswa.

I Mwami alubo waswaya bantu Bakwe kwiinda mu musinsimi. Mu ciindi ca mudima maningi mu makani aakale, awo kulilemeka nkokwasakana kuyaansi kutana bwenwe a zilwanyo zya lunyonyooko lwa mubunji zila libonya kuyoosya ku mabbililo aa zuba, muntu mubombe wa katumwa kuzwa ku busyu bwa Leza kuti aite nkamu ya bantu iili mukufwa ku kweempwa.

I sikwiya uyandwa Johane wa kalemba makani aa Mwami Jesu:

Alimwi kuli zintu zimbi akwalo zinji ezyo Jesu nzyaka cita, eezyo, ikuti na zyeede kulembwa zyoonse, Nda syoma kuti ayalo inyika lwayo neya takakonzya kwaamana mabbuku ayo aelede kulembwa. Ameni. (Johane 21:25)

Nciconya inga caambwa kujatikzya buumi bwa Mukwesu Branham. Kuli nkambauko ziinda ku 1,200 zili mu mateepu ziji zyuulu zinji zya bulunguluzi bwa makani aa muntu oyu sicamba. Nekubaboobo tula zumanana kumvwa bukamboni bupya bwa nguzu zyakwe aa maumi a bantu bali mamilioni. Aaka kabbuku tako konzyi ku lungulula kuniini ku kucinca kwa nguzu zipati oyu muntu wa Leza nzyaka jisi aa nyika.

I MATALIKILO

“Cindi ni Nda kazyalwa mu kaanda kagalankene kaniini mu Kentucky kutala kuya, Angelo wa Mwami wa kaboola mu mpulungwido a kwiima awo. Mpaawo wakali Musumpululu wa Mulilo.”

I kupasula kwa zuba katalika buyo kuyasa mudima wa kutontola kwa mulengalenga mu Mukubwekangala. I mpulungwido, yomwe ya cisamu yaka nyamuka kujuka ku lekela mumuni wa kuseeni mu kaanda kagalangene kaniini ka busena bomwe. I kayuni kasalala pyu aacamba kakaliimvwi munsi lya mpulungwido ka kaboneka kubotelwa kapati kuseeni kuno alimwi kakali kwimbisya cakoongolola. Mu kaanda kagalangene, Charles Branham wa ciimo cabukubusyi wa kabikka maanza aakwe mu ovolesi lyakwe lipya a kulanga ansi ku mukaintu wakwe wa myaka iili kkumi ayosanwe-yakukomena. “Tuyo muulika zina lyakwe cuti William,” ba kaamba bawisi.

Mu mpulungwido kwa kaboola Mumuni uugambyakwiinda. I Mumuni wa keenda kwiinda mu kaanda a kulengelela atala lya bulo awo muvwanda mpakazwaa kuzyalilwa. Oyu wakali ngo nguwe Mumuni oyo wa kagwisya bana ba Hebrayo kuzwa mu Egepita. Wa kali Mumuni nguonya oyo waka swaanganya Paulo mu lweendo lwakwe kuya ku Damasko. Alimwi Wa kaleelede kuzumanana ku solela mwana oyu muniini ku kwiita Nabwiinga wa Kristo kuzwa mu nyika. Oyo Mumuni tii wakali uumbi pele Angelo wa Mwami, i Musumpululu wa Mulilo; alimwi Wa kalibonya ciindi cimbi ku muntu.

Elyo mukati muya, mu kaanda aka kagalankene kazisamu, oko kuseeni mu Mukubwekangala 6, sikutumbusya wakajula mpulungwido mujulu kutegwa mumuni umunike mukati kulekela Baama a Bataata kuti babone mbu Nda kali kaboneka. Mpaawo Mumuni utandila musela wa citulusyo caku mutwe waka boola kazungulika kwiinda mu mpulungwido. Wa kazungulika koonse abusena mpo Nda kabede, a kuselukila aa bulo. Bantu banji bakkala mu malundu baka liimvwi awo. Ba kali kulila.



I busena bwakuzyalilwa bwa William Branham, Burkesville, KY.

I muunzi uubombede iwa kali mu malundu aa ku musanza wa Kentucky, munsi a kadolopo kaniini ka Burkesville. I buzuba bwakali Mukubwekangala 6, 1909. I muvwanda wakali mutaanzi wa bana bali kkumi abo bakacili kuyo zyalwa kuli Charles a Ella Branham.

Tii cakali ciindi cilamfu Angelo wa Mwami katalina swaya William Branham muniini alimwi.

Cindi nakali mwana, Angelo wa kasaanguna ku kanana kuli nguwe, kwaamba kuti inga uyopona buumi bwakwe munsi lya dolopo litegwa New Albany. Wa ka njila mu ng'anda a kwaambila banyina eco cakazwaa kucitika. Mboli mutumbu uuli oonse, ta ka yeeya maningi zya kaano elyo wa kamulazika mu bulo kutontozya nsinga zyakwe zyabukubusyi. Myaka yobilo yakacilila, mukwasyi wakwe waka longela ku Jeffersonville, Indiana, mamaile buyo misyoonto kuzwa ku dolopo lya musanza wa Indiana dolopo lya New Albany.

I Angelo waka kanana alimwi ku musinsimi mukubusyi myaka misyoonto yakacilila. Bwakali buzuba bubateme bwa Itwi antomwe zuba likasaala kali mweka kwiinda mu matu mabotu a ciindi ca cilimo. I mulombe wakali kusunkuta mboli mbwa kabwezede mabbakete obile aa maanzi kuselemuka kuya mu mukondo. I cisenketi caka laangidwe kunsi kwa kalolomi kakali aa cicisa kuti kacilesya kuba

tombe. Wa kakkala ansi kuti alyookezye mu cimvule ca musamu mulamfu wa popla. I misozi yakali kumbwela kuzwa ku meso aakwe mbuli mbwakali kulila nkambo ka kubula coolwe kwakwe: Beenzinyina bakali kulibotezya ku ciziba cakuzelela nswi camu busena, elyo wa kajatwa kuti atekele bawisi maanzi. Ndyooya buyo, iguwo lyaka talika kubbubbula mu cisamu aatala lyakwe. Wa kapukuta meso aakwe a kwiima ku matende aakwe. Wa kamvwa coongo ca matu kacuunga mu guwo...pele tii kwakali guwo. Wa kalanga mujulu, alimwi kutandila akatikati ka lweendo kuya ku cisamu ca popla, cintu cimwi cakali kuzyungulisyu matu mayumu.

Ndyoonya buyo Jwi lya kaamba, "Uta kanywi na kufweba na kusofwaazya mubili wako mu nzila iili yoonse, kuyooba mulimo wako wa kucita ciindi waakukomena." Mulombe wa myaka-iili-ciloba yakukomena iwa kayoowede wa kalosya mabbakete aakwe a kuzuzila kuli banyina.

Mbuli musinsimi Samuele, Leza alimwi wa kakanana ku mwana.

I nsondo zisyoonto zyakacilila, wa kali kusobanya tumbulu twa mabwe a munyina muniini. I kulimvwa kweenzu kwa kaboola aali nguwe. Wa kalanga kuya aatala lya Mulonga Ohio elyo wa kabona cizabukilo ceebeka. Bantu bali kkumi acisambomwe bakawa caku lufu mbuli cizabukilo mbo cakazabuka mulonga. I musinsimi mukubusyi wakabona cilengaano cakwe citaanzu. Wa kaambilia banyina, elyo ba kalemba aa pepa kaano kakwe. Myaka yakacilila, bantu bali 16 bakawa ca lufu cindi cizabukilo ca Nzila Yatatu mu Louisville, Kentucky nicakali kuyakwa kuzabuka Mulonga Ohio.

I Mwami wakali kumu tondezya zilengaano zya ciindi ciza. Elyo mbuli basinsimi baka mutaangunina, i zilengaano tii zyakakakilwa.

I MYAKA YABUKUBUSYI

Mu ciindi coonse ca buumi bwakwe, Mukwesu Branham wakali kuyandisisya kuba mu nkanda. Ku myaka iili 18 yakukomena, wa kazwa ku Indiana kuya ku malundu agalankene aa kumbo. Kukkala kwakwe mu Arizona tii kwaka tola ciindi cilamfu katana kusungilizigwa kuti abweede.

Buzuba bumwi Nda ka yeeşa kuti Nda kaijana nzila yakugwisya kwiitwa oko. Nda kali kuzwa kuunka kumbo kuyo beleka aa mpulasi ya zivubwa. Mweenzuma, Leza mupati buyo kuya mbuli Mbwa bede mu busena buli boonse. Akube kuti ujane mpindu ku Luzibo Iwangu. Cindi A kwiitila mulimo, Mu vwiile.

Kumwi kuseeni kwa Itwi mu mwaka 1927, Nda kaambila baama kuti Nda kuunka mu Iweendo Iwa kuwila ku Tunnel Mill, oko kutandila mamaile aali kkumi aone kuzwa ku Jeffersonville oko nko twakali kukkala ku ciindi eco. Nda ka bambide kale Iweendo kuya ku Arizona a beenzuma bamwi. Cindi Baama niba kaambilwa Iwabili kuzwa kuli ndime, tii Nda kali ku Tunnel Mill pele mu Phoenix, Arizona, kucija kuzwa kuli Leza wa Luyando. I buumi bwa mpulasi ya zivubwa bwakali kubotu kwa kaindi kaniini, pele bwaka kulumpala mu kaindi kaniini, mbuli buyo musaalo umbi uuli oonse wa nyika. Pele Nda lomba ndaambe awa, Alumbwe Leza, kuti Luzibo a Jesu lulakomena kubota loko a kubota loko coonse ciindi alimwi talu kulumpali. Jesu ulapa luumuno lulondokede a kuumbulizigwa lyoonse.

Ziindi zinji Nda kamvwa guwo kalyuunga kwiinda mu ma pine malamfu. Kwaka boneka mbuli kuti Nda kali kumvwa Jwi Lyakwe kaliita kulaale kuya musyaka, kalyaamba, "Adamu, uli kuli?" I nyenyezezi zyaka boneka kuba munsi loko cakuti inga wazibweza aa maanza aako. Leza waka boneka kuba munsi loko.

Cintu comwe kujatikizya cisi eco ngu migwagwa mu nkanda. Ikuti na wasola kuleya kuzwa mu mugwagwa, inga wasweeka cabuteteete maningi. Ziindi zinji loko bantu bayá bweendela zintu zya misaalo bala bona

malubaluba masyoonto aa mu nkanda a kuzwa mu mugwagwamupati kuyo abweza. Bala tuntulika mu nkanda elyo bala sweeka alimwi ziindi zimwi balafwa nkambo ka nyota. Aboobo mbo cibede mu nzila ya Bunakristo – leza uli jisi mugwagwamupati. Ula ukana na muli Isaya, capita 35. Ula tegwa "Mugwagwamupati wa Busalali." Ziindi zinji misaalo misyoonto ya nyika ila kukwela kuzwa ku mugwagwamupati. Nkokuti wa sweekelwa luzibo lwako a leza. Mu nkanda cindi wa sweeka, kuli ziindi zimwi kuboneka kubekema. Ku bantu bali mukufwa a nyota, kubekema kuyooba mulonga na iziba. Ziindi zinji bantu bala zuza kukutobela a kuwida muli nkuko buyo kujana kuti bali muku samba biyo mu musenga uupya. Ziindi zimwi dyabolosi ula kutondezya cintu cimwi eco ncaamba kuti nciindi cibotu. Eco ngu kubekema buyo, ngu cintu cimwi citali ncobeni. Ikuti na wa swilila uyo lijana buyo kuvuzya mapenzi mu buumi bwako. Uta mu swiilili pe, sikubala uyandwa. Kosyoma Jesu oyo uupa maanzi aa buumi kuli baabo bafwa nzala a nyota.

Buzuba bumwi Nda katambula lugwalo kuzwa ku muunzi lundaambila kuti umwi wa babunyina bangu wakali cisidwe maningi. Wa kali Edward, oyo uucilila ndime. Mu bwini tii Nda kayeeyea kuti cakali sinizizye, aboobo Nda kasyma kuti inga uyooba kabotu. Pele mangolezya amwi mozuba masyoonto akacilila cindi ni Nda kali kuzwa ku dolopo mbuli Mbunda kainda kwiinda mu buyake bupati bwakulida basimpi ku mpulasi ya zivubwa, Nda kabona pepa aa tafule. Nda kali bweza. Lyu kaamba, "Bill, kozwa elyo uboolo ku macelelo aa ku nyika. Makani mapati." Ni Nda kamana kubala kagwalo mweenzuma a Ndime twakazwa kuya ku macelelo. I muntu mutaanzi ngu Nda swaanganya wakali sikulangalanga Ugwasya omwe mudaala oyo wakali kubeleka aa mpulasi ya zivubwa. Izina lyakwe wakali Durfy, pele twakali ku mwiita kuti "Pop." Wa kajisi ciwa cakuusa aa busyu bwakwe mbuli mbwa kaamba, "Billy mulombe, Ndi jisi makani aako mabi." Ku ciindi eco sikulanga babelesi wa kaboola keenda kumbele. Ba kandaambila lufu lwa mukwesu wangu.

Oyandwa mwenzuma, kwa kaindi kaniini tii Nda kakonzya kuputa. Lwa kali lufu lutaanzi mu mukwasu yewesu. Pele Ndi yanda kwaamba kuti cintu citaanzi nci Nda kayeeya nkuti na wakali libambilide kufwa. Mbu Nda kanjona biyo a kulanga koonse ku mabbanda aa yello, misozi yaka mbulumukila aa masaya aangu. Obo mbu Nda kayeeya nzila mbo twakali kusola canguzu antoomwe cindi nitwakali balombe baniini a nzila mbo cakali ciyumu kuli ndiswe.

Twa kali kwinka ku cikolo a cakulya cisyoonto loko. I tulolomi twakali polede mu mabbusu elyo twakali kunga tu sama mabbaki aakaindi kaangilidwe kutala ku nsingo nkambo tii twaka jisi masyati aa kusama. Obo mbo Nda kayeeya akwalo buzuba bumwi Baama baka jisi ciwaya mu ka bbakete kaniini ca cisusulo. Tii twakali kulya aa bana bamwi. Tii twakali kukonzya cakulya mbuli ncoba kajsi. Twa kali kunga twayubila ku kalundu akuya kulya. Nda yeeya buzuba mbo twa ka jisi ciwaya, twa kali kuyeeya kuti cakali cilyo cibotu cakulibotezya. Aboobo kuba kasimpe Nda kagwisya cibeeda cangu kuli ncico, Nda kazwa kali tanaba isikati a kufunkola kukkwana mu janza mukwesu wangu katana gwisyu cibeeda cakwe.

Mrawo kandiimvwi awo nkelangide ku mabbanda aa kanetauka ku zuba Nda kayeeya zintu ezyo zyoonse a kuyeeya ikuti na Leza wa kamutola ku busena bubotu. Mrawo alimwi Leza waka ndiita, pele mbuli lyonse, Nda kasola kuci kaka.

Nda kalibambila kuboola ku muunzi ku dilwe. Cindi Muf. McKinnny wa Mbungano ya Port Fulton, mwaalumi uuli buyo mbuli bataata kuli ndime, kakambauka dilwe lyakwe a kwaamba kuti, "Ndiza kuli bamwi awa abo tazui Leza, na kuliboobo, amu Mu tambule lino." Oh obo mbo Nda kajatilisisya cuuno cangu, Leza wakali kubeleka alimwi. Oyandwa sikubala, cindi Na iita, ko Mu vwiila.

Ta ndikalubi obo Bataata a Baama bakaindi bacete mboba kalila nilyaka mana dilwe. Nda kali kuyanda kujoka kuya Kujwe pele Baama baka ndikumbila canguzu loko kuti ndikkale caakuti kumalekelo Nda

kazumina kukkala ikuti Nda konzya ku jana ncito. Nda kajana ncito cakufwambaana ku Public Service Company ya Indiana.

Kutandila myaka yobilo yakacilila kuciindi ni nda kali kusunka mamita mu cintoolo ca maita ku Gas Works mu New Albany, Nda kazundwa ku buusi elyo kwa mwiki zinji Nda kaciswa kwa mbubo. Nda kaunka kuli boonse bamadokotela mbe Nda kazyi. Tii Nda kakonzya kujana kwaanguluka. Nda ka ciswa asidi ya mwida, iya kaletwa ku nguzu zya busi. Ca kaindila kubija ciindi coonse. Nda katolwa ku madokotela basyazibwene mu Louisville, Kentucky. Kumalekelo ba kaamba kuti lyakali tumbo lyangu lya mamanino alimwi ba kaamba kuteeti Nda keelede kuba aa kupandulwa. Tii Nda kakonzya kucisoma nkambo taakwe ne Nda kamvwa kucisa ku lubazu lyangu. I madokotela ba kaamba kuti tii bakacili kukonzya kundigwasya kusikila Nda baa kupandulwa. Kumalekelo Nda kazumina kuti kucitwe pele nda kaambilisya kuti ba belesye musamu wabusena uulebula lubazu lwa kwaandulwa kuteegwa inga Nda langilila kupandulwa.



Oh, Nda kali kuyanda muntu umwi kwiima munsi lyangu oyo wakazi leza. Nda kali kusyoma mu mupailo pele tii nda kali kukonzya kupaila. Aboobo mukutausi kuzwa ku Mbungano ya First Baptist wa kaunka a ndime ku kaanda ka kupandwidwa.

Cindi ni bakanditola kuzwa ku tafule kuya ku bulo bwangu, Nda kalimvwa kuya bukompama loko a kukompama loko coonse ciindi. Moyo wangu wakali

kuduntaana a niini loko. Nda kamvwa lufu aali ndime. Kyoya kwangu kwakali kuya buceya loko coonse ciindi. Nda kaziba kuti Nda kasika ku mamanino aa buumi bwangu. Oh mweenzuma lindila mane usike kuya

Iomwe, mrapo uyo yeeya zintu zinji ezyo nzyo kacita. Nda kalizi kuti taakwe ne Nda kafweba, kunywa na kucita zilengwa zitasalali zili zyoonse pele Nda kalizi kuti tee Nda kali bambilide kuswaangana leza wangu.

Mweenzuma wangu ikuti na uli simbungano buyo wakalengwa uutontola, uyo ziba ciindi waakusika ku mamanino kuti toli bambilide pe. Aboobo ikuti ngu koonse nkoyi kujatikizya leza wangu, Nda kulomba mponya awa ku fugama aa mazwi aako a kulomba Jesu kuteeti akupe luzibo olo lwa kuzyalululwa, mbuli Mbwa kaambila Nikodemo muli Johane capita 3, alimwi oh obo milangu ya lutangalo mbo iyoolila. Akulumbe ku Zina lyakwe.

Kwaka talika kusiya mbi mu kaanda ka cibbadela, mbuli kuti kwakali mu masyaka mapati. Nda kakonzya kumvwa guwo kalyuunga kwiinda mu matu, nekubaboobo kwaka boneka mbuli kuti yakali nzila mpati iisakene mu syaka. Antela mwakamvwa kufulidafulida kwa guwo kalyuunga mu matu, kali boola munsi loko a munsi loko kuli nduwe. Nda kayeeya, "Ma, olu ndufu luboola ku nditola." Oh! buntu bwangu bwakeelede kuswaangana leza, Nda kasola kukomba pele tii nda kakonzya.

Munsi loko guwo lya kaboola, kumvwika loko a kumvwika loko. I matu akalilalila alimwi mrapo buyo, Nda kaunka.

Kwaka boneka mrapo kuti Nda kajoka kuba mulombe munini uutasamide mabbusu, kandiimvwi mu kagwagwa ako kunsi a cisamu nciconya. Nda kamvwa Jwi eelyo ndilyonya elyo lya kaamba, "Uta kanysi na kufweba." Elyo matu nge Nda kamvwa aakali ngaonya ayo akaunga mu cisamu eco buzuba obo.

Pele ciindi eci Jwi lya kaamba, "Nda ka kwiita elyo kwiina nokaunka." Lya kaloolola ciindi catatu.

Mrapo Nda kaamba, "Mwami, ikuti na Nduwe, ndileke ndi joke ku nyika elyo Ndi yokambauka Makani mabotu Tour Aako kuzuwa kutala lya ng'anda a maswaananino a tugwagwa. Ndi yoambilila bantu boonse kujatikizya ngawo!"

Cindi eci cilengaano nicakainda, Nda kajana kuti tii Nda ka limvwa kabotu pe. Sikupandula dokotela wangu

waka cili mu buyake. Wa kaboola a kulanga aali ndime nkabela wa kagambwa. Wa kalanga mbuli kuti wa kayaεεya kuti inga Nda fwa, mpa wo wa kaamba, "Ta ndili muntu unjila-cikombelo, kubeleka kwangu nkupati loko, pele Ndi lizyi leza waswaya mulombe oyu." Kaambo nca kaambil a eco, ta Ndi zyi. Taakwe wa kaamba cintu nociba comwe kujatikizya ncico. Ikuti ni Nda kalizyi kaindi eco nce Ndizyi eno, ne kunga Nda kabuka kuzwa ku bulo obo akoongolola Akulumbe ku Zina ɿyakwe.

Kumane mazuba masyoonto Nda ka zumizigwa ku bweeda ku muunzi pele Nda kacili cisidwe elyo ndaka sungilizigwa kusama magilazi ku meso aangu nkaambo kapenzi lya meso kutabona kabetu. Mutwe wangu wakazungana cindi ni Nda kalanga aa cintu cili coonse kwa kaindi kaniini.

Nda katalika kweenda kuyandula kuti njane leza. Nda kainka kuzwa ku mbungano a mbungano, kusola kujana busena bumwi awo aakali kwiitwa kwaa cipaililo-ca ciyanza cakaindi. I cibela cakuusa tii Nda kakonzya kubu jana pe.

Nda kaamba ikuti na Ndi kasole kuba Munakristo, inga Ndi yooba umwi wancobeni. I mukutausi oyo wa kandimvwa ka ndaamba wa kat, "Lino Billy mulombe, yébo uli mukuleya kuya mu ciimo cakwiindilizya." Nda kaamba ikuti na Ndi kasole kuba aa bukombi, Nda kali kuyanda ku bumwua cindi bwa sika, mbuli buyo basikwiiya mboba kacita.

Oh akulumbe ku Zina ɿyakwe. Nda kajana bukombi nikwa kainda ciindi alimwi Ndi cibu jisi, alimwi ku lugwasyo Lwakwe, Ndi yoobu bamba lyoonse.

Busiku bumwi Nda kamwua nzala loko ya leza alimwi a luzibo lwini cakuti Nda kazwa akuunka ku buyake bwa kuyobweda bwakaindi kunze lya ng'anda a kusola kukomba. Tii nda kazyi kukomba eelyo aboobo Nda katalika kwaambaula kuli Nguwe mbuli mbo Ndi nga ndaambaula ku muntu uuli oonse uumbi. Ndyoonya buyo mpaawo kwaka boola Mumuni mu buyake bwa kuyobweda alimwi waka panga ciingano nkabela Jwi ɿyakazwa ku ciingano ku kanana kuli ndime mu musyobo

ngu Nda takali kukonzya kumwua. Mpawo lya kaunka. Nda kaangwa. Cindi ni Nda kapempenukuwa alubo Nda kakomba, "Mwami ikuti na Nduwe, ikaka boola a kwaambaula kuli ndime alimwi." Nda kali kubala Bbaibbele lyangu kuzwa ciindi ni Nda kali ku ng'anda kuzwaku cibbadela alimwi Nda kabala muli 1 Johane 4, "Nobayandwa, mutazumini i myuuza yoonse, pele amwiisoleke ikuti na njiya leza."

Nda kalizyi kuti muuya waka libonya kuli ndime nkabela ne Nda kakomba wa kalibonya alimwi. Mpawo kwaka boneka mbulikuti kuli ndime kwakali mapaunder aali cuulu aaka nyamunwa kuzwa ku buntu bwangu. Nda kasotoka mujulu a kuzuzila ku ng'anda elyo kwaka boneka mbuli kuti Nda kali kuzuzila aatala lya muuwo.

Baama bakabuzya, "Bill, ino ncinzi cacitika kuli nduwe?" Nda kaingula, "Ta Ndi zyi pe pele ncobeni Ndimwua kabotu a kuubilwa." Tii nda kacili kukonzya kukkala limbi mu ng'anda. Nda kazwa a kuzuza.

Nda kazyiba mpawo kuti na leza wakali kuyanda ndime kukambauka, inga Uyo ndi ponya. Aboobo Nda kainka ku mbungano eyo yakali kusyoma mu kunanika mafuta elyo Nda kaponesegwa ndyoonya buyo. Nda kabona mpawo kuti basikwiiya baka jisi cintu cimwi eco bunji bwa bakambausi ncoba tajisi sunu. I basikwiiya baka bapatizingwa aa Muuya Uusalala elyo aboobo bakali kukonzya kuponya baciswa a kucita maleele aanguzu mu Zina lyakwe. Aboobo Nda katalika kukombela lubapatizyo lwa Muuya Uusalala nkabela nda kalujana.

Buzuba bumwi kutandila myeezi iili cisambomwe yakacilila, leza waka ndipa kuyanda kwa moyo wangu. Wa kakanana kuli ndime mu Mumuni mupati, kundaambila kuunka kuyo kambauka a kukombela baciswa a kuti inga Uyo baponya kakutakwe makani a malwazi nge baka jisi. Nda katalika kukambauka a kucita eyo Nzya ka ndaambila kucita. Oh mwenzuma, inga tii Nda konzya ku kwaambila koonse oko kwa kacitika: Meso akaofweede akajuka. I balema bakeenda. Ma kkansa aka ponesegwa, a misyobo yoonse ya maleele yaka citwa.



Buzuba bumwi ku matalikilo lya Kagwagwa ka Spring, Jeffersonville, Indiana, nikwaka mana lubukulusyo lwa nsondo zyobilo, Nda kali kubapatizya bantu bali 130. Bwakali buzuba bupya bwa Iwivwi elyo kwakali bantu bakaliko bakali kutandila ku 3,000. Nda kali aafwi ku bapatizya muntu wa 17 cindi mpawo buyo ni Nda kamvwa Jwi, elyo liniini lya luumuno lwabili alimwi lya kaamba, "Langa mujulu." I mulengalenga wakali mbuli butale aa buzuba obo bupya bwa Iwivwi. Tee twaka jisi mvula iili yoonse kwa nsondo zyaka tiibe zyotatwe. Nda kamvwa Jwi alubo, alimwi mpawo alubo ciindi catatu lya kati "Langa mujulu."

Nda kalanga mujulu elyo mpaawo kwaka boola kuzwa ku mulengalenga nyenyeesi mpati iimweka, eyo nje Nda kabona ziindi zinji kale pele eyo nje Nda taka mwaambila makani ayo. Ziindi zinji Nda kaambila bantu makani aa njiyo kulibonya elyo bakali kunga baseka buyo a kwaamba, "Bill, uli muku kwezeezya buyo eco. Na ndiza wakali kulota." Pele alumbwe leza, ciindi eci Wa kali tondezya lwakwe kuboneka kuli boonse, nkaambo yaka boola munsi loko kuli ndime cakuti tee Nda kakonzya akwalo ku kanana. Nikwa kamana kwiinda masekondi manji Nda koongolola elyo bantu banji ba kalanga mujulu a kubona nyenyeesi aatalatala lyangu buyo. Bamwi bakawizuka kumwi bambi bakoongolola a bambi baka cija. Mpawo nyenyeesi yaka bweeda mu mulengalenga alimwi busena mpo

yakazwida bwakali kutandila kaboola katukokola tuli kkumi atosanwe nkabela busena obu bwaka zumanana kweenda a ku zunguluka canguzu koonse na mbuli kuti mayuwe aapilauka. Mpaa wo kwaka pangika mu busena obu kakumbi katuba kaniini nkabela nyenyezezi yaka tambulwa mujulu mu kakumbi aaka.

Mbuli Johane Mubapatizi, musinsimi waka simpikizigwa mu maanzi aa Lubapatizyo.

I zilengaano zyaka zumanana. Wa kaambilwa a bapaizi mbakali kubeleka limwi kuti zilengaano zyakwe tee zyakali kuzwida kuli Leza. Wa kaambilwa kuti muuya mubi waka munjila. Eci caka mupenza mu nzila yakusakana. I mukuli tii wakali kukonze ka kuyumunwa, aboobo wakainka mu nkanda kuyo jana Luyando lwa Leza. Wa kali lipede maningi cakuti wakakonka kuta bweeda kakutakwe bwiinguzi. Kwa kaliko awo, mu kaanda kagalankene kakaindi mwaku bikkila zyakawezwa, cakuti Angelo wa Mwami wa mupa kutumwa kwakwe. Aakati ka zintu zimbi, Angelo wa kamwaambila eci: "Ikuti na uyo bamba bantu ku kusyoma, alimwi kuba uusiniziye cindi wa komba, taakwe cintu nociba comwe ciyoima kumbele lya mipailo yako, kutali ayalo kkansa."

Koonse kuzumbauzya kwa kamana. Wa kajisi kutumwa eno nkabela a camba wakeenda kuti ape makani. I lubukulusyo lwa kuponya lwaka talika.

Myaanda yabali zyuulu baka janika ku miswaangano mipati ya Branham. Bali zyuulu baka ponesegwa mu Zina lya Mwami Jesu Kristo. Bamwi bavangeli mbuli Oral Roberts, T.L Osborn, alimwi a A.A Allen cakufwambaana baka tobela Mukwesu Branham a kutalika lubukulusyo lwabo beni. I Mwami wakausya zileleko Zyakwe mbuli kutana bwenwe. I janza lya kuponya ilya Jesu Kristo ciindi cimbi lyaka guma bantu Bakwe.

"Nda kalila kanjikanji nkambo ka lutangalo ku makani a cipego ca Leza calino ku mbungano ya mukwesu uyandwa, William Branham, a cipego cakwe cigambya ca kuponya.

Aaka nkaambo ka Leza kalimu kubeleka loko mane akwiinda zyoonse ezyo nzyo tukonzya kulomba na kuyeeya (Ba Efe. 3:20), nkambo Nse na bwene na kubala cintu cili coonse ceelene ku mulimo wa kuponya wa William Branham.”

Muf. F.F Bosworth, muvangeli uuzizilwe-munyika a umwi wa matata aakatalisya kabungwe ka Assemblies Of God alimwi awalo mulimo wa Pentekoste wasunu.

“Mu mukozyanyo umwi, twa kalangilila mbuli mbwakali kwaambaula ku mwaalumi waka lede mu kalo. Ku matalikilo kwaka nyina citondezyo ca kwiingula kwa busongo kuzwa ku mwaalumi. Bupanduluzi mpawo bwaka zwida ku mukaintu wa kaimvwi munsi, kuti mwaalumi ta kali kufwa buyo a kkansa, pele wakali musinkematwi alimwi ta kali kukonzya kumvwa eco cakali kwaambwa.

Mukwesu Branham mpawo wa kaamba kuti inga cileelede ku mwaalumi kuti atambule kumvwa kwakwe kutegwa inga wa mulailila kujatikizya kupona kwa kkansa yakwe. Kwakaba kaindi kaniini ka mupailo. Ndyoonya buyo mwaalumi wa kakonzya kumvwa! Misozi mipati ncobeni yaka mbulumukila aa masaya aa mwaalumi oyo wakali aa busyu bwakatali kuboneka kabotu loko mangolezya oonse a buta panukide. Wa kaswilila a bukanze bupati mbuli mbwa kaambilwa kwaanguluka kwakwe kuzwa ku kkansa.”

Muf. Gordon Lindsay, mulembi uula luzibo lunji, mukambausi, a sikutalisya wa Christ For The Nations Institute.

“Mukwesu Branham wa kaamba, ‘I Simulimo wa mung’anda ya milao waponesegwa.’ Moyo wangu waka sotoka. Nda kazwa a kutambula Mwami mbuli Sikuponya wangu. Nda abikka aambali misako yangu yakweenzya...mbaakani ya Julu yakaima!”

William D. Upshaw, Simulimo wa ng’anda ya milao yaku US (1919-1927), sikwiima kuba Muleli wa cisi ca US mu 1932. Kuzwa ciindi cakuwa kusule lyakwe kali mwana. Wa kali 84 cindi naka ponesegwa cakulondoka kuzwa ku mupailo wa Mukwesu Branham, kumane kulemana kwa myaka iili 66. Ta kacili kuyanda wiluceya na misako yakweenzya ku buumi bwakwe boonse bwakacilila.

“Nda kali kulala ca kusalama kwa myaka ili lusele a myeezi ili fuka nkambo ka T.B. a ba madokotela baka ndilanga buyo meso. Tii nda kalema mapaundi aali 50 alimwi kwaka boneka kuti bulangizi boonse bwakali manide. Mpawo kuzwa ku Jeffersonville, Indiana, kwa kaboola Muf. WM Branham mu cilengaano eco nca kabwene ca kabelele kakapatide mu nkanda alimwi kakali kulila ‘Milltown,’ nku busena Nkwe kkala. Mukwesu Branham taakwe nakalina sika kuno na kuzyiba muntu uuli oonse uuzwa okuno. Mu kunjila, wakabikka maanza aali ndime a kukomba, kalombela aali ndime mu Zina lya Mwami Jesu wesu uyandwa. Cintu cimwi caka baanga candijata elyo ndyoonya buyo Nda kabuka kandi lumba Leza nkambo ka nguzu Zyakwe zya kuponya. Ndime sikulizya piano lino mu mubungano ya Baptisti kuno.”

Georgia Carter, Milltown Indiana, waka ponesegwa ku T.B itasilikiki mu 1940 alimwi taakwe naka ciswa ku bulwazi obo buzuba bumbi mu buumi bwakwe. Ula iminina makumi a zyuulu zya bantu abo baka ponesegwa kwiinda ku mulimo wakwe alimwi abacilli muku ponesegwa asunu.

I MUSUMPULULU WA MULILO

Mukwesu Branham kanji ula pandulula i Musumpululu wa Mulilo oyo waka simpikizya mulimo wakwe. Wa kaliko kucindi cakuzyalwa kwakwe, wa kabonwa abali zyuulu ku nkowmwe ya Mulonga Ohio, alimwi waka boneka ku mutobela koonse ku masena nkwa kaunka. Mwakali mu 1950 kuteeti Mwami wakapa boonse basyomi a batasyomi bukozyenyen bwa cizyibyo citakakilwi kuti oyo Musumpululu wa Mulilo wakali antomwe a musinsimi.



I busiku bwa kazwide mu kubuzanya kubuleya ku Sam Houston Coliseum. Mukwesu Branham wakali kusololela lubukulusyo lwa kuponesegwa olo lwakali kufumpa nyika. I zileleko zya Mwami Jesu zyakali kucitika mbuli mvula aatala lyu myuunda ya kumuuya ya maila. Pele zitondezyo a zigambyo zipati tii zyaka boola kakutakwe kujanwa butongo. Mbili lyoonse, sinkondo ula busya mulwani. I nguzu zyobilo zyaka swaangana mu Houston Texas, elyo Angelo wa Mwami Mwini waka boola ansi kulwana nkondo.

Bali zyuulu bakaliko kale kupa bumboni ku maleele aatabaliki ayo aa katobela oyu muntu wa Leza. I buzuba kakutanaba, inkamu ya bakambausi bakazundikizya musinsimi kuti babe aa kubuzanya kwa makani kuponesegwa kwa Buleza, pele kuzundikizya kwakawida sikubelekanyina mudaala uusyomeka wa musinsimi, Mufundisi F.F. Bosworth. Basikudoneeka banji baka imininwa a mukambausi wa Baptisti iwa mu busena a sikujana butongo uumvwigwa ku kuponesegwa kwa Buleza. I kubuzanya ikwakali kuboola kucitika kwakabbuka ku mitende, eyo yaka fwambaana kulemba kubuleya mitwe ya makani mipati, *"I Bbaki lyaboya lwa Lwiyo lwa zyabukombi Liyo Wuluka Aa 7 p.m. Sunu I Mu Sam Houston Coliseum."*

Sikudoneeka wakaleta sikufotola syazibwene wa kubbadelwa mali, Ted Kipperman wa Douglas Studios, iwa kulemba bulunguluzi bwa kubuzyanya. Mangolezya ayo, zifoto zyaka kkopwa antoomwe a Mukwesu Bosworth kaimvwi cakutali lumbaizya mbuli sikudoneeka mbwa kaima mu ziimo zya kuyoosya; ciindi cimwi a munwe wakwe ku tondekedwa mu busyu bwa mwaalumi mudaala uubombede.

Cindi kubuzyanya nokwaka talika, Mufundisi Bosworth wakatondezya cakufwambaana kasimpe ka kuponesegwa kwa Buleza a bumboni bwa Magwalo alimwi mpawo, ku tasiya mubuzyo, wa kalomba boonse abo baka ponesegwa malwazi aabo kuti baime. Bali zyuulu baka buka ku matende abo. Nikwaka mana baabo baka ponesegwa kukkala mu zyuuno zyabo, wa kabuzya ikuti na boonse abo bakapona ku kuponesegwa kwa Buleza abo bakali mamembala mu kwiima kubotu kwa kabungwe ka muntu oyu inga baima. Mamembala aa mbungano aali myaanda yotatwe akaima kutondezya cakubotelwa luse olo Mwami Jesu ndwakaba tondeezya.

I kuzundikizya mpawo kwaboola kuzwa kuli sikudoneeka. "Amu muleke sikuponya wa Buleza alibonye. Amu muleke abeleke." Mukwesu Bosworth waka cibamba antangalala kuti Jesu alikke ngu wakali Sikuponya wa Buleza, pele kuyobeka kwa kutongooka kwa kazwa kuli sikudoneeka caku zumanana. Kumalekelo, Mukwesu Bosworth waka tamba Mukwesu Branham ku cibumbili. Wa kazumina kutambwa mu kati ka koongolola kwa kwiiminina.

I musinsimi, kazwide a Muuya Uusalala, wakapa kuvviila ku tobela:

Ta ndikonzyi kuponya muntu naba omwe. Eci Nda amba. Cindi ni Nda kali muvwanda wazyalilwa kutala mu Cisi ca Kentucky, kweendelanya kuli baama bangu beni bayandwa, alimwi eco caka tondezegwa kwiinda mu buumi bwangu, kwakali Mumuni waka njila mu kaanda ako ka cilawo ca bantu abo basyoonto bakaindi kuya, oko nkoca kabede, kacitakwe cibuye muli ncico, tii kakajisi akwalo mpulungwido, baka jisi buyo cintu cakaindi ciniini kuba mpulungwido kuya, mbuli citendele ciniini, elyo bakacitonta kujula kutandila faivi okkuloko kuseeni, elyo Mumuni oyu waka zungulika



kunjila mukati mbuli mbo kwakali kutalika kuca kwa buzuba. Kuzwa ciindi eco, Uli aa ndime. Ngu Angelo wa Leza. Wa kandi swaanganja ilwangu mu myaka misyoonto yakinda. Mu ciindi ca buumi bwangu, Wa ka ndaambila zintu ezyo zyaka citika, alimwi Nda kazyaamba mbuli buyo Mbwa ka ndaambila. Elyo Nda zundikizya kufumbwa muntu ku busena buli boonse, kwiinka ku dolopo oko nko Nda ka komenena, na ku busena buli boonse bumbi, kuti kaambo ikaka bambwa lyoonse mu Zina lya Mwami, pele ako ka kaboola mbubonya biyo nzila mbo ka kaambwa kuti inga ciyooba.

Nakamana kwaamba majwi aya, Muuya Uusalala waka wida aa cibumbili, elyo sikufotola waka boteledwe waka kkopa cifoto. Mukwesu Branham wakazwa aa cibumbili a kaambo, kateteete pesi ika cisinsime: *“Leza uyo lungulula. Tandi caambi limbi.”*

Sikubeleka nyina wa Ba. Kipperman wakainka cakufwambaana kuyo beleka kusanzya zifoto zya makani aa cifumo cicilila. Wa kabona cintu cimwi cigambya mbuli mbwa kagwisya cifotolo kuzwa ku maanzi amusamu wakusanzya. Ca, mbuli zifotolo zicilila zili musanu, taakwe cakaliko. Wa jatilisisya moyo wakwe a kuwida kumbele cindi nakasomona cifwanikiso camamanino kuzwa ku maanzi amusamu. Mpaawo, aa cifotolo eco camamanino, kwakali Musumpululu wa Mulilo mu ciimo ciboneka kuukkede atala lya musinsimi wa Leza, William Marrion Branham.

I bana ba Israyeli bakapa bumboni ku Musumpululu wa Mulilo kusololela Musa, elyo bantu ba ciindi casunu bapa bumboni kuti Musumpululu wa Mulilo nguonya kusololela musinsimi uumbi.

I cifotolo cakapegwa cakufwambaana kuli George J. Lacy, Sikulangalanga Uzyibwene wa Mapepa aa makani Aabuzigwa wa U.S. F.B.I., oyo wakatondezya cifoto kuba bwini a muzeezo wakwe wa bupampu. I pepa lya makani lyamulao ilyaka bambwa a Ba. Lacy lili aa peegi icilila.

Oku lyakali kaindi maningi kakutanaba ma kkompyuta na makkamera aa digito, alimwi tii caka konzya kupandululwa a nzila zili zyoonse zizizyilwe ku sayansi, kunze lyakuti kwakali Mumuni wini aatala lya William Branham. Sunu nciconya cifotolo eco inga cabonwa mu United States Library Of Congress, mu dolopo pati lya cisi, Washington DC.

George J. Lacy
Sikulangalanga wa Mapepaamakanii Aabuzigwa
Shell Building
Houston, Texas

Mukazimaziba 29, 1950

B U L U N G U L U Z I A M U Z E E Z O

Mutwe: Negativu Yakabuzigwa

Mu Mukazimaziba 28, 1950 i kulomba kwa Mufundisi Gordon Lindsay, oyo wakali kwiminina Mufundisi William Branham waku Jeffersonville, Indiana, Nda katambula kuzwa ku Douglas Studios ya 1610 Rusk Avenue mu dolopo eli, e 4x5 inch filmu ya cifoto cakatondeezegwa akusanzigwa. Eeyi filmu yaka yeeyelwa kuti ya keelede kupangwa aba Douglas Studios ya Mufundisi William Branham ku Sam Houston Coliseum mu dolopo eyi, ciindi ca kuswaya kwakwe awa cibela camamanino ca Mukazimaziba, 1950.

KULOMBA

Mufundisi Lindsay wakalomba kuti Ndi bamba kulangalanga kwa sayansi ya negativu iya kaambwa kale. Wa kalomba kuti Ndi zibe, kuti cilakonzeka, kuleelede na pe mu muzeezo wangu kuti negativu yaka bambululwa na "yakacincwa" munzila iili yoonse, cakacilila icakapa kuti kube kusanzya kwa filmu, i kuti inga cilapa keengo ka mumuni kulibonya mu busena bwa mubalo wa mumuni atala a mutwe wa Mufundisi Branham.

KULANGALANGA

Kulangalanga kwa maikkrosikkopo alimwi akwabupati a ku kwiiya kwa kabambwa kwa busena boonse bwa mabazu obile a filmu, aaya akali aa Eastman Kodak Safety Film. Mabazu oonse obile a filmu akalangalangwa kunsi a mumuni wakasebwa wa ultra-violeti alimwi a zifoto zya infra-redi akapangwa aa filmu.

Kulangalanga kwa maikkrosikkopu kwa kakakilwa kuyubununa kubambilulwa kwa filmu aa busena buli boonse kufumbwa kwiinda koonse ku nzila zyakacitwa muku bambululwa kupati kwa mpindu. Akwalo, kulangalang kwa maikkrosikkopo kwa kakakilwa ikuyubununa kunyongana kuli koonse kwa mingwimba itasangani mukkati na kuzyungulika keengo ka mumuni kali mukubuzigwa.

I kulangalanga kwa mumuni wa ultra-violetti kwa kakakilwa kuyubununa cintu caanze, na cakacilila ca kucinca kwa misamu kuli koonse aa mabazu obile aa negativu, eeco icinga ca kapesya keengo ka mumuni, muku cilila kuku sanzigwa kwa negativu.

Cifoto ca infra-redi acalo ca kakakilwa kutondezya cintu cili coonse eco cinga caamba kuti kubambilulwa kuli koonse kwa kacitwa ku filmu.

Kulangalanga akwalo kwaka kacilwa kuyubununa cili coonse eco cinga caamba kuti negativu yaka munikilwa kubili.

Kwakanyina cintu eco caka janwa cinga caambwa kuti keengo ka mumuni muku buzigwa kwa kacitwa mu ciindi caku bambwabambwa kwa kusanzya. Taakwe nikwakali cintu neciba comwe caka janwa cinga caamba kuti tiiyaka sanzigwa mu nzila izuminwa alimwi a yizizilwe. Kwa kanyina cintu caka janwa mu kweezyanisa kwa bunji bwa mimuni mipati eeyo yata kali muku zuminana.

MUZEEZO

Kuzwaku kulangalanga kwa kapandululwa atala alimwi a kwiiya Ndi wa muzeezo wini kuti negativu yaka pegwa camulao kuku langwalangwa, tiiyaka bambululwa nanka tiiya kabambidwe ku zintu zyandeene na negativu yaka munikilwa kubili.

Vidare är jag av den definitiva uppfattningen att ljusstrimman, som framträder över huvudet i gloriaposition orsakades av ljus, som träffade negativet.

Överlämnat med respekt



I MAKANI AASISIDWE AKAYUBUNUNWA

Ku matalikilo aa mulimo wa Mukwesu Branham cakaba antangalala kuti ciyanza ca tubungwe cakayakwa kuzwidilizya tubunga twa bukombi, a kutali Makani mabotu aa bwini. Mukwesu Branham waka syoma Bbaibbele Ijwi ku Ijwi, alimwi kuti inga takatoli ciimo citeelede, nikubakuti caamba kutaba cibeela ca bantu mbabeleka abo, beenzinyina, na mukwasyi.

Kuciindi kacili membala wa Mbungano ya Missionari Baptisti, wa kaambilwa kunanika bakambausi banakazi. Nekubabooobo, wa kalizyi Magwalo oonse akwalo kabotu. I Timoteo 2:12 ilaamba cantangalala, “*Pele Nsi konzyi kuzuminina mwanakazi ku yiisya, nokuba kumulangila aa mutwe mwaalumi, pele kanga kaumwwine buyo wii,*” alimwi I Ba Korinto 14:34 ilaamba, “*Amu leke banakazi banu kabaumwine mu mambungano: nkambo taku zumizigwi kuli mbabo kwaambaula...*” Eci tii cakali cintu cakulwana banakazi, pele Bbaibbele lyaka yiisya kabotu cakumaninina aa ciiyo. Cindi kucenjezegwa kwa mamanino nikwa kapegwa, ta kali mvwanya aboobo wakazwa mu cikombelo.

Olo tii lwakali Lugwalo buyo lwatakali kubikkilwa maanu cakumaninina aa tubungwe. I Mwami wa kayubununa bwini aa lubapatizyo ku Mukwesu Branham. Mbobuti Jesu mbwa konzya kulailila, “*Aboobo ka myua, aku yiisya masi oonse, kuba bapatizya mu zina lya Taata, a lya Mwana, a lya Muuya Uusalala,*” pesi lubapatizyo loonse lulembedwe mu Bbaibbele lwakali mu Zina lya Jesu? I muapostolo Petro wa kalailila mu Incito 2:38 kuti ***amusanduke a kubapatizingwa mu Zina lya Jesu Kristo.*** I Magwalo ala beleka mu lukamantano lulondokede, pele caka tola musinsimi kuyubununa maseseke aya:

“Taata” talili i zina, “Mwana” talili i zina, alimwi a “Muuya Uusalala” talili i zina. Mbuli buyo mwaalumi umwi ngu taata wa bana bakwe, mwana wa bazyali bakwe, a munyina wa bana bakwabo, pesi zina lyakwe talili “taata,” “mwana,” na “mukwesu.” Taata, Mwana, a Muuya Uusalala mabande aa Zina lya Jesu Kristo. Matayo 28:19 a Incito 2:38 zyaka boola mu kululama kweendelene.

Acalo cibi citaanzi ca mu Muunda wa Edeni caka yubununwa, kutali mbuli kulya mucelo, pele cintu cimwi cibyaabi maningi. Mbobuti kulya kabeela ka mucelo mpawo buyo ku kayubunune kuli Adamu a Eva kuti bakali cinswe? Ta cipi buyo bupanduluzi bumvwika kabotu. Ino ncinzi appele ncolili acakucita ku cinswe? Musinsimi wa Leza waka yubununa eci antangalala.

Mbaani abo baangelo baambwa mu Ciybunuzyo capita 2 a 3? Mazina abo inga amvwika aziizilwe kabotu.

Mbaani abo basikukkwela mbizi basisidwe ba Cibuybunuzyo 6? Ba jisi cintu comwe cipati maningi ncoba kozyenye.

Sa United States ilaambidwe mu Bbuku lya Ciybunuzyo?

Mbaani bali 144,000 abo baka futulwa mu capita 7?

Nguni sikuvuula mupati mu capita 17? Kulizibya kwakwe a maseseke aya oonse aka yubununwa mu Mulumbe wa musinsmi oyu singuzu wakatumwa kuzwa kwa Leza.

Kutali biyo kuti maleele aatabaliki aka tobela muntu oyu, pele makani aasisidwe aakasiswa mu Bbaibbele kwiinda mu makkalo aka yubununwa aalo mu mulimo wakwe. Ca kaba aantangalala kuti musinsimi oyu waka zulizya Magwalo manji kwinda muli Malaki 4.

Ciyubunuzyo 10:7: Pele ku mazuba aa jwi lya angelo wamusau ababili, cindi nayo talika kulizya mweembo, makani aasisidwe aa Leza eelede kumana, mbuli mbwa katondezya ku balanda bakwe basinsimi.

I Jwi lilimu koopolola ku nyika lya kuzwa ku tubungwe a kujokela ku Ijwi taanzi lya Leza. Umwi aumwi wesu tuli jisi ciindi ceelede nciconya eco Petro, Jakobo, a Johane ncoba kajisi. Tuli jisi ciindi ceelede kuba babalwa a basale ba Leza bace abo bataka kotamini tubunga twa bukombi twa buzuba.

Lugwalo Lusalala lula lungulula maumi a micito ya bantu abo bakeenda aa Leza alimwi bakali nanikidwe loko a Muuya Wakwe cakuti bakaamba cantangalala kuti MBUBOOBU MBWAAMBA I MWAMI, a majwi aabo aka simpikizigwa aa zitontezyo a zigambyo zita kakilwi. Ba kali basinsimi ba Leza, alimwi a Jwi lya Leza ku nzyalani yabo.

Sena ziindi zili aandeene eno kwiinda mbo zya kabede cindi Jesu nakali aano? Ba kali basololi ba bukombi ibaka Mu bambula. I basikwiya bakali nkamu nsyoonto maningi akati ka ciyanza cipati ca bukombi. Ba kaubausigwa, akusekwa, elyo ku mamanino akujayigwa nkambo ka kwima kulwisya ciyanza catubungwe cizuminwa a banabunji. Inga ndiza tii twajaigwa nkambo ka buzumi bwesu sunu, pele tula penzegwa cancobeni. Mbuli ba Farisi aba Saduki, taba konzyi kukaka maleele ayo a katobela mulimo wa Mukwesu Branham aboobo bala belesya cintu cimwi cibyaabi ku kulwana kumbi. Inga wa mvwa kuti wakali musinsimi mubeji, musololi singuzuuzu, na kubija maningi. Mu kasimpe, wa kali muntu wa Leza uubombede oyo wa kaima canguzu kulwisya bweendelezi butakwe boongelezye obo tubungwe a basinguzuuzu nco bajisi aa bantu ba Leza. Ba kalwana Jesu inzila njiyonya cindi Na kaima kulwisya tulengwa twabuzumini a tunsiyansiya twabo.

Leza wakalemeka ciimo ca kulibambila kwa Mukwesu Branham ku syoma Ijwi lyoonse mu Bbaibbele, alimwi Uli mukubelesya mulimo wakwe ku solela bantu bali mamilioni kuya kuli Jesu Kristo. Sunu, Jwi lya Angelo Wamusau ababili li loompolola cakumvwika maningi kwiinda mbuli Mbo lyakasola kuba. Kutandila ku bantu bali

mamilioni aali obilo nyika yoonse bala syoma Mulumbe wa Mukwesu Branham. Aba inga baba nkamu niini maningi ya mabbilioni aali obilo ayo aataminina Bunakristo, pele ndelili bantu ba Leza nobaka tali mu nkamu niini?

Tuli jisi nkambauko zyaka rekkordwa ziinda ku 1,200 zijisi Jwi elyo lyaka sinsimwa kuboola mu Ciybunuzyo 10:7. Imwi aimwi ya nkambauko ezi ila bbutukizya akuyubununa makani aasisidwe manji aa Leza. Eelyo Jwi lilajanika kuli nduwe ikuti na uli libambilide ku Li mvwa.

I KUSALA NKU KWAKO

Taakwe pe neciba ciindi comwe ne Ndi leta i mulumbe ku bantu kuti ba ndi tobele, nanka kusangana mbungano yangu, nanka kutilika luswaanano a kabungwe kamwi. Ta ndi na cicitide eco alimwi tandi kooci cita eco ino. Mebo ta ji si kuyandisisya mu zintu ezyo, pele mebo Ndi jisi i kuyandisisya mu zintu zya Leza a bantu, a kuti na Nda konzya buyo kumanizya cintu comwe Ndi yookkutila. Eco cintu comwe nkubona luswaano lwaku muuya lwini luya kidwe aakati ka Leza a bantu, oomo bantu mobaba zilenge zipya muli Kristo, ka bazwide a Muuya Wakwe a kupona mbuli Ijwi Lyakwe. Ndi la tamba, kukombeleyza a kucenjezya boonse kuti bamvwe jwi Lyakwe ku ciindi eci, akwaaba maumi anu caku maninina kuli Nguwe, mboonya Mbwe syoma i mu moyo wangu Nda kapa koonse kwangu kuli Nguwe. Leza amu longezye, aku boola Kwakwe ndalombozya kutangazye moyo wanu.”

Muf. William Marrion Branham

IZYAAMBWA

JESU KRISTO NGU LEZA (BULEZA)

KUL. 20:3	Muta kabi aa tuleza tumbi kunembo lyangu.
ISA 9:6	Nkambo iswe twa zyalilwa mwana, twa pegwa mwanamulombe: a bweendelezi buyo kkala aa zifunzi zyakwe: nkabela izina lyakwe liyo ambwa kuti Uugambya, Sinkuta, I Leza singuzu, I Taateesu Uteeli, I Mwami wa Luumuno.
MAT 1:23	Amubone, oyu musimbi uzoomita mwana, elyo uzo tumbuka mwanamulombe, nkabela bazo muulika izina lya Emanuele, nku kwaamba kuti, Leza uli aswe.
JOHANE 1:1	Ku matalikilo kwakali ljwi, a ljwi lyakali aa Leza, alimwi ljwi wakali Leza.
JOHANE 1:14	Nkabela ljwi lyakaba mu mubili wabuntu, akukkala akati kesu, (nkabela twa kabona bulemu bwakwe, i bulemu mbuli bwa simuzyalwa alikke wa Taata,) wakazwide luzyalo a bwini.
JOHANE 4:24	Leza ngu Muuya: a baabo bamu komba beeled e kumu komba mu muuya a mu bwini.
JOHANE 5:43	Nda boola mu zina lya Taata wangu, elyo ta mundi tambuli pe: ikuti na umbi wasika mu zina lyakwe mwini, ngo muti tambule walo.
JOHANE 8:19	Nkabela ba kaamba kuli nguwe, Ino uli kuli Uso? Jesu wakavuwa, Nywebo tamu ndizyi mebo, naba Taata wangu: ikuti ni mwali ndizyi, mwali kweelede ku muzyiba awalo Taata wangu.
JOHANE 10:30	Mebo a Taata wangu tuli umwi.
JOHANE 12:45	Elyo wa bona ndime wabona oyo waka ndituma.
JOHANE 14:8-9	Filipo waka mwaambila, Mwami, tu bonye Uso, a kwalo nko tuyandisisya. Jesu wa kaamba kuli nguwe, Cakomenesy buti cindi nce Nda li ayebo, elyo pesi ton a ku ndizyiba, Filipo? oyo wa bona ndime wabona Taata awalo; elyo mbobutu mbo waamba mpawo, Tu bonye Uso?
JOHANE 20:28	Nkabela Tomaso wakawwiila a kwaamba kuli nguwe, Mwami Wangu a Leza Wangu.
INCITO 2:36	Aboobo amu leke ng'anda yoonse ya Israyeli izibisy, kuti Leza wacita oyo nguwenya Jesu, walo ngo mwaka bambula, koonse kuba Mwami a Kristo.
INCITO 9:4-5	Elyo wakawida aansi, a kumvwa jwi ka lyaamba kuli nguwe, Saulo, Saulo, nkaambozi nco ndipezya? Elyo wa kat, Ino nduwe ni, Mwami? Nkabela Mwami wa kaamba, Ndime Jesu oyo ngoli mukupenzya: nciyumu kuli nduwe kusansa cibinzyo.
BA EFE 4:5	Mwami Omwe, lusyomo lomwe, lubapatizyo lomwe.
BA KOL. 1:13-17	Oyo waka tufutula kuzwa ku nguzu zya mudima, elyo wa tusandwida mu bwami bwa Mwana wakwe uyandwa: Muli nguwe mu tujene lununuko kwiinda mu bulowa bwakwe, akwalo kujatilwa kwa zibi: Uuli ngo cinkozya ca Leza uitabonwi, sikuyalwa mutaanzi wa zilenge zyoonse: Nkambo kuli Nguwe zintu zyoonse zyakalengwa, ezyo zili ku julu, a zili mu nyika, zibonwa a zitabonwi, naa kuli zyuuno zya bwami, na malelo, na bweendelezi, na inguzu: zintu zyoonse zyaka lengwa kuli nguwe, a kaambo ka nguwe: Alimwi ngu mutaanzi wa zintu zyoonse, a kwiinda kuli nguwe zintu zyoonse mu ziyatene.

BA KOL 2:6-9	Aboobo mbuli mbo mutambwide Kristo Jesu i Mwami, nkokuti amweende muli nguwe: Miyanda yanu isimpisyé akuyakwa muli nguwe, amu liyume mu makani aa lusyomo, mbuli mbo mwaka iyiisigwa, mufwasuke mumonya a ku lumba. Amucenjele kutabi muntu naba omwe uumuyunga ku kusongwalasongwaala aku kwaamba makani alweeno aatawo, azwa ku tunsiyansiya twa bantu, aazwa ku zilenge zitaanzi zyaansi, aatazwi kuli Kristo. Nkambo muli nguwe mobukkede Buleza buzulide camubili.
BA HEB 13:8	Jesu Kristo ngo mbobuca nguwenya, a sunu, amuya myaaka.
1 JOHANE 5:7	Nkambo kuli zyotatwe ezyo zipa bulunguluzi mu julu, i Taata, i Ijwi, a Muuya Uusalala: elyo zyotatwe ezi ncimwi.
CIY 1:8	Ndime Alfa a Omega, matalikilo a mamarino, mbwaamba Mwami, oyo uuliko, a oyo wakaliko, a oyo weeledé kuboola, i Singuzuzyoonse.

〔 LUBAPATIZYO LWA MAANZI 〕

MAT 28:19	Aboobo ka maya, akuyo yiisia masi oonse, ku babapatizya mu zina lya Taata, a lya Mwana, a lya Muuya Uusalala:
MARKO 16:16	Oyo uusyoma a ku bapatizingwa uyo futuka; pele oyo uutasyomi uyo zulwa.
INCITO 2:38	Mpawo Petro wa kaamba kuli mbabo, Amusanduke, a kubapatizingwa umwi aumwi wanu mu zina lya Jesu Kristo kuti mujatilwe zibi zyanu, elyo muyo tambula cipego ca Muuya Uusalala.
INCITO 4:12	Takukwe lufutuko muli limbi neliba lyomwe: nkambo kwina zina limbi kensi aa julu lipedwe aakati ka bantu, muli ndilyo motweelede ku futulwa.
INCITO 8:12	Pele cindi niba kasyoma Filipo kakambauka zintu zya makani aa bwami bwa Leza, a zina lya Jesu Kristo, baka bapatisigwa, boonse baalumi a banakazi.
INCITO 19:3-5	Elyo wa kaamba kuli mbabo, Ino kai ndubapatizyo nzi lwanu? Elyo ba kaamba, Ku lubapatizyo lwa Johane. Mpawo Paulo wa kaamba, Johane waka bapatizya ncobeni a lubapatizyo lwa kweempwa, kwaamba ku bantu, kuti beeledé ku musyoma oyo weeledé kuboola munsi lyakwe, nko kuti, aali Kristo Jesu. Cindi neba kamwa obo, baka bapatizingwa mu zina lya Mwami Jesu.
BA EFE 4:5	Mwami Omwe, lusyomo lomwe, lubapatizyo lomwe,
BA KOL 3:17	Elyo kufumbwa cintu nco mucita mu ijwi na ncito, muzicite zyoonse mu zina lya Mwami Jesu, kupa kulumba kuli Leza a Taata kuli nguwe.

IZYAAMBWA

BASINSIMI

MYE 12:6	Elyo wa kaamba, Amumvwe lino majwi aangu: Ikuti na kuli musinsimi aakati akanu, Mebo nde MWAMI ndiyo liyubununa kuli nguwe mu cilengaano, alimwi ndiyo kanana kuli nguwe mu ciloto.
DEUT 18:21-22	Elyo ikuti na ukaambe mu moyo wako, Mbobuti mbo Ndi yoziba ijwi eelyo MWAMI ndya taka kanana? Cindi musinsimi naamba mu Zina lya MWAMI, ikuti na cintu taci tobeli, naa kucitika, eco nce cintu MWAMI ncata kanana, nkokuti musinsimi wa cikanana mukuli sumpula buyo: nyewebo muta ka myooowi.
I MAKI 16:20-22	Elyo cindi niba keenda kuzwa ku cisi kusika ku cisi, a kuzwa ku bwami kusika ku bantu bambi; Ta kazumizya muntu kuba penzya: inzya, wa kaba tapatila ba mami nkambo kabo, Kwaamba, Muta kugumi bananike bangu, a kuta bisizya basinsimi bangu.
INTE 105:12-15	Cindi niba kali bace mu mweelwe; inzya, bace loko, alimwi beenzu muli njiyo. Cindi niba keenda kuzwa ku cisi cimwi kusika kuli cimbi, kuzwa ku bwami bumwi kusika ku bantu bambi; Ta kalekela muntu kuba penzya: inzya, wa kabatapatila ba mami nkambo ka mbabo; Kwaamba, Muta gumi bananike bangu, a kuta bisizya basinsimi bangu.
AMOSI 3:7	Ncobeni Mwami LEZA takaciti cintu, pele ula yubununa maseseke aakwe ku balanda bakwe basinsimi.
MAL 4:5	Amubone, Nzo mutumina Eliya musinsimi kabutana sika buzuba buyoosya a upati ibwa MWAMI:
LUKA 1:70	Mbuli mbwa kaamba ku mulomo wa basinsimi bakwe basalala, abo bakaliko kuzwa kuciindi nyika niya katalika:
LUKA 24:25	Mpawo wa kaamba kuli mbabo, O nobafubafuba, a bala myoyo iikakilwa ku syoma zyonse ezyo basinsimi nzyo baka kanana:
INCITO 7:52	Mbaali basinsimi bama uso mbe bataka penzya? alimwi baka bajaya abo baka tondezya kakutanaba kuboola kwa Umwi Uululeme; walo oyo nyewebo eno ngo mwabeda baabi a bajayi:
INCITO 24:14	Pele oku Nda zuminia kuli nduwe, kuti kwamana nzila eyo njo baamba kuti iilandeene, obo mbo Ndi komba Leza wa matata, kusyoma zintu zyonse ezyo zilembedwe mu mulao a mu basinsimi:
BA EFE 2:20	Elyo tuli yakidwe aatala ntalisyo ya baapostolo a basinsimi, Jesu Kristo lwakwe ndibbwae lyaciswi ca ng'anda;
BA HEB 1:1-2	Leza, kuciindi cakalekale wa kaamba ku matata mu basinsimi ubucebuce a ku ziyanza zinjizinji, Ku mamanino a mazuba aya wa kanana kuli ndiswe kwiinda ku Mwana wakwe, oyo ngwa kasala kuti abe mukamwini wa zintu zyonse, alimwi kuli nguwe wakaanza manyika onse;

MALEELE/KUPONESEGWA KWA BULEZA

DEUT 26:8	Elyo MWAMI wa katugwisya kuzwa ku Egepita a janza lya nguzu, a kuboko ku tandabede, a luyoosya lupati, a zitondezyo, alimwi a zigambyo:
BABETESI 6:13	Elyo Gideoni wa kamwaambila, Oh Mwami wangu, ikuti na MWAMI uli andiswe, nkaambo nzi mpawo ncotu jene mapenzi aya oonse? alimwi ali kuli oonse maleele aakwe ayo ba matata besu nge baka twaambila, kwaamba, Sena MWAMI taka tuleta kuzwa ku Egepita? pele lino MWAMI wa tusiya, alimwi wa twaaba mu maanza aa bana Midiani.
INTE 103:3	Oyo uulekelela milandu yako yoonse; oyo uuponya malwazi ako oonse;
ISAYA 53:5	Pele wa kayaswa nkambo ka milandu yesu, wa kaumwa nkambo ka sotoko zyesu: ku kukomwa kwa luumuno Iwesu kwakali aali nguwe; a ku mibunda yakwe twa kaponesegwa.
DANIELE 11:32	Elyo abo bacita bubi loko ku cizuninano bayo bija kwiinda ku koongelegezegwa cakuupaika: pele bantu bazyi Leza bayooba bayumu, a kucita zintu zigambya.
MARKO 16:17-18	Nkabela zitondezyo ezi ziyo batobelab abo basyoma; Mu zina lyangu bayo tanda badyabolosi; bayo amba mu myaambo mipya; Bayo jata nzoka; alimwi ikuti noba yonywa cikola cili buti, ta cika bakoli pe; bayo bikka maanza aa balwazi, elyo bayo pona.
JOHANE 14:12	Ncobeni, ncobeni, Nda mwaambila, Oyo usyoma ndime, milimo Nje cita uyo cita ayalo; a milimo mipati loko kwiinda eeyi uyoi cita; nkaambo Nda inka kuli Taata wangu.
INCITO 19:12	Cakuti kuzwa ku mubili wakwe kwakaletwa ku baciswa tutambala na tusila, elyo malwazi aakazwa kuli mbabo, elyo myuuya mibi yakazwa muli mbabo.
I BA TESA. 1:5	Nkambo makani mabotu esu taaka boola kuli ndinywe mu ijwi luzetu, pele akwalo mu nguzu, a mu Muuya Uusalala, a mu kaanzambwene kapati; mbuli mbo muzi ciyanza ca bantu mbo twaka bede aakati kanu nkambo ka ndinywe.
JAKOBO 2:18	Inzya, muntu inga waamba, Yebo ujisi lusyomo, ambebo Ndi jisi milimo: undi tondezye lusyomo lwako Iwanzeene a milimo yako, elyo Njo kutondezya lusyomo lwangu ku milimo yangu.
JAKOBO 2:20	Pele sa ula ziba, O muntu wabuyo, kuti lusyomo lutakwe milimo luli fwide?
JAKOBO 5:14-15	Sena kuli ucisidwe aakati kanu? mu muleke aite baalu ba cikombelo; elyo ba mukombele, ku munanika mafuta mu zina lya Mwami: Nkabela kukomba kwa lusyomo kuyo vura mulwazi, elyo Mwami uyo mubusya; nkabela ikuti na waka cita zibi, ziyo jatilwa kuli nguwe.
JAKOBO 5:16	Amu lyaambe zibi zyanu umwi kuli umbi, a ku kombelana, kutegwa mu kapone. I kukomba kwa muntu uululeme kusiniziye kuli anguzu zinji loko.
1 PETRO 2:24	Walo lwakwe mwini wakabweza zibi zyesu mu mubili wakwe mwini aa cisamu, kuti swebo, mbo tufwide ku zibi, tukapone ku bululami: kwiinda ku mibunda yakwe mwaka ponesegwa.

IZYAAMBWA

(MUUYA WA ELIYA)

II BAMI 2:15	Elyo bana ba basinsimi abo baka kkede ku Jeriko baka mubona, ba kaamba, I muuya wa Eliya wakkala aali Elisha. Elyo ba kaboola kumu swaanganya, elyo baka vundama aansi kumbele lyakwe.
ISAYA 40:3-4	I jwi lya oyo woopolola mu nkanda, Amubambe nzila ya MWAMI, mu lulamike mugwagwa mupati wa Leza wesu mu lukula. Ma kkuti oonse ayo sumpulwa, a malundu oonse a kalundu ziyo fwiinsigwa: a zipilingene ziyo lulamikwa, a masena aa cincimene ayo bunganisigwa:
MAL 3:1	Amubone, Ndi yo mutumina mutmwa wangu, nkabela uyo bamba nzila kumbele lyangu: alimwi Mwami, oyo ngo muyandaula, uyo yutukila ku tempele yakwe, akwalo mutumwa wa cizuminano, oyo ngo mu yandisa: amubone, uyo boola, mbwaamba MWAMI wa makamu.
MAL 4:5-6	Amubone, Nzo mutumina Eliya musinsimi kabutanaba kusika buzuba buyoosya a bupati ibwa MWAMI: Nkabela uyo sandula myoyo ya matata ku bana, a myoyo ya bana ku mawisi, kuti Nta siki a kuzoumya nyika lutuko.
MAT 11:10 (Marko 1:2, Luka 7:27)	Nkambo oyu ngonguwe, walo wa kalembwa, Amubone, Nda tuma mutumwa wangu kunembo lya busyu bwako, oyo uyo bamba nzila yako kunembo lyako.
MAT 11:14	Elyo ikuti na myuo mutambula, oyu ngu Elias, walo wa keelede kusika.
MAT 17:11-12	Elyo Jesu wakavuwa aku baambila, Elias cancobeni uyo sika lutaanzi, nkabela uyo lengulula zintu zyoonse. Pele Nda mwaambila, Kuti Elias waka sika kale, nkabela tee bakamuzi, anu kuti baka mucitlila zintu zyoonse zili buti nziba yanda. Mbubonya alakwe Mwana wa muntu mba zoopenzegwa kuli mbabo.
LUKA 1:17	Elyo uyo enda kunembo lyakwe mu muuya a nguzu zya Elias, ku sandula myoyo ya matata ku bana, a bataswiilili ku busongo bwa baluleme; ku bamba bantu babambilidwe Mwami.
LUKA 3:4 (Mat. 3:3, Marko 1:3, Johane 1:23)	Mbuli mbu kuleembedwe mu bbuku lya majwi aa Isaya musinsimi, kwaamba, I jwi lya umwi woopolola mu nkanda, Amu bambe nzila ya Mwami, mubambe tuzila twakwe kuti tululame.

Ku makani aambi kujatikizya mulimo wa Mufundisi William Marrion Branham a nzila yakujana nkambauko zyakwe, walombwa ukwabe ku:

www.imulumbe.org

na

Voice Of God Recordings Inc.

Zambia Office

P.O. Box 36921

Lusaka, Zambia

www.branham.org

www.imulumbe.org

CHITONGA
